



Jumat, 7 Januari 2022
Ogen: kuan-kuanen 1:8



Mpeseh Pengajaren



Sekalok tokoh pembebasan Afrika, Nelson Mandela ngatakenca "*pendidikan adalah senjata paling ampuh untuk mengubah dunia.*" Si enda iturikenna erkiteken enggo iidahna jine maka penjajahan ras kejahatan simbelinna sierbahanca kita tetap bas kemusilen e me kebodohen. Enda me ulih kalak si la nggit ndatken pengajaren. Perban kerina si jadi bas doni enda lalap lit perubahan, e maka pelajaran ras ilmu pengetahuan pe arus tetap ipelimbarui ras ipelajari. E erbahanca pendidikan jadi si utama ras si la banci lang adina ateta nggeluh alu sikap. Tole pe i bas Pustaka Si Badia nuriken uga pentingna pengajaren isehken man anak, bage pe uga pentingna anak ngaloken pengajaren bas orang tuana nari. Bangsa Israel pe sue bekas penuruh Tuhan maka pendidikan ras pengajaren e jadi kebutuhen i bas jabu. Ulangen 6:9 nuriken uga pengajaren e arus isehken katawari pe, i bas situasi si uga pa pe. Isehken, iinget bage pe idalanken i bas kegeluhen, jenari tetap iulih-ulih. Erkiteken pengajaren e jadi kebutuhuen pokok, i bas masa Raja Salomo, kerajaan Israel jadi kerajaan si mbelin, mbar beritana, ras termurmur. Bekas pengajaren, didiken, dukungan ras fasilitas siibereken Daud selaku orang tua man Salomo, mahanca alu kepentarena banci mengelola kekuatan ras potensi bangsa e jadi reh ulina. Adina kisasat kita ngajari anakta, subuk kerna kiniteken, pemetehna, emosionalna, skillna situhuna desken kita ndeliskan bana. Adi siakap kin bias pagi tinadingta e ipekena-kenana, tapi la lit pemetehna, kerin nge sengkemirep mata. E maka babailah tetap anakta erkiniteken, erpemeteh ras ajarken karakter si mehuli. Dukung kerina cara pendidiken si lit, ngit kita erkorban gelah anakta e pagi jadi kalak si erguna.